

"UNA MOLIYA" QK MCHJ MMT da
JISMONIY SHAXSLARGA QARZ BERISHNING UMUMIY SHARTLARI

1.	UMUMIY QOIDALAR	
1.1.	Tartibga solish predmeti	Ushbu "UNA MOLIYA" MChJ MMT QK (keyingi o'rinlarda "Qarz beruvchi" deb ataladi) da jismoniy shaxslarga qarz berishning umumiy shartlari (keyingi o'rinlarda "Umumiy shartlar" deb ataladi) umumiy holatlarni, qarz oluvchi jismoniy shaxs tomonidan qarz berish va qaytarish tartibini, qarzdin foydalanganlik uchun foizlarni hisoblash va to'lash tartibini, shuningdek tomonlarning bu bilan bog'liq huquq va majburiyatlarini tartibga soladi.
1.2.	Qarz shartnomasi	Qarz shartnomasi ushbu umumiy shartlar va qarz shartnomasining yakka tartibdagi shartlaridan (bundan buyon matnda "Yakka tartibdagi shartlar" deb yuritiladi) iborat bo'ladi. shartnoma elektron imzo yordamida quyidagicha imzolanadi: ro'yxatdan o'tishda qarz oluvchi tomonidan ko'rsatilgan telefon raqamiga OTR kodi ko'rsatilgan SMS-xabar keladi, uni qarz oluvchi buyurtmani rasmiylashtirishda Mobil ilovadagi yoki saytdagi maxsus maydonchaga kiritadi, bu qarz summasini olishga rozilik va qarz shartnomasining barcha shartlariga rozilik sifatida baholanadi.
1.3.	Ta'riflar	Umumiy shartlar va yakka tartibdagi shartlar maqsadlari uchun ushbu umumiy shartlarning 2-bo'limida ko'rsatilgan atamalar va ta'riflarning ma'nolari qo'llaniladi.
2.	ATAMA VA TA'RIFLAR	
2.1.	Annuitet to'lovi	Asosiy qarz va pul mablag'laridan foydalanganlik uchun foizlarni o'z ichiga olgan teng ulushlardagi qarz bo'yicha to'lov (Qarz).
2.2.	Qarz beruvchi	Qo'shma korxona, Ma'suliyati cheklangan jamiyat "UNA MOLIYA" mikromoliya tashkiloti, o'z faoliyatini 2024-yil "29" dekabrda 120-sonli hisob raqamiga asosan olib boruvchi. INN: 311431122, IFUT: 64990, Yuridik manzil: Toshkent shahar, Mirobod tumani, Sharof Rashidov MFY, Amir Temur shoh ko'chasi, 4-uy
2.3.	Qarz oluvchi	Qarz beruvchi bilan qarz shartnomasini tuzgan jismoniy shaxs.
2.4.	Qarz	Qarz oluvchiga yuz million so'mdan ortiq bo'lmagan miqdorda, to'lovlik, muddatilik va qaytarish shartlari asosida beriladigan pul mablag'lari

2.5.	Qarz shartnomasi	Qarz beruvchi yuz million soʻmdan ortiq boʻlmagan miqdordagi pul mablagʻlarini beradigan, qarz oluvchi esa oladigan va bunday pul mablagʻlarini toʻlovlar jadvalida belgilangan muddatlarda yoki muddatidan oldin qaytarish majburiyatini oladigan tomonlar oʻrtasidagi kelishuv. qarz shartnomasini tuzish tartibi mazkur umumiy shartlarning 1.2-bandida nazarda tutilgan.
2.6.	Asosiy qarz	Qarz beruvchi tomonidan qarz oluvchiga taqdim etilgan, qaytarilmagan qarz summasi.
2.7.	Ish kuni	Oʻzbekiston Respublikasi qonunchiligida nazarda tutilgan ish kuni. Oʻzbekiston Respublikasining amaldagi qonun hujjatlariga muvofiq belgilangan dam olish kunlari, shuningdek ishlanmaydigan boshqa kunlar, shu jumladan bayram kunlari ish kunlari hisoblanmaydi.
2.8.	Qarzni qaytarish muddati	Qarz oluvchi qarz shartnomasi boʻyicha qarzni soʻndirishga majbur boʻlgan kalendar sana/vaqt davri. qarzni qaytarish muddati qarz shartnomasining yakka tartibdagi shartlarida belgilanadi.
2.9.	Toʻlov muddati	Qarz oluvchi muayyan toʻlov boʻyicha qarzni soʻndirishga majbur boʻlgan kalendar sana/vaqt davri. Yakka tartibdagi shartlarda belgilanadi.
2.10.	Tomonlar	Qarz beruvchi va qarz oluvchi
2.11.	Qarz miqdori	Qarzni yakka tartibdagi shartlarda koʻrsatiladigan qatʼiy belgilangan miqdori.
2.12.	Bank kartasi/ Hisob	Qarz oluvchining Oʻzbekiston Respublikasi banklarida ochilgan hisob raqamiga biriktirilgan bank kartasi, uning rekvizitlari qarz oluvchi tomonidan qarz beruvchining Mobil ilovada yoki saytida buyurtmani rasmiylashtirishda taqdim etilgan.
2.13.	Belgilangan foiz stavkasi	Individual shartlarda koʻrsatilgan aniq raqamli qiymat bilan qayd etilgan stavka miqdori.
2.14.	Mobil ilova	Qarz beruvchining mobil qurilmalarda oʻrnatish va foydalanish uchun moʻljallangan, App Store va Google Play ilovalar doʻkonlaridan "Una Moliya - karta kreditlari" nomi ostida yuklab olish mumkin boʻlgan rasmiy dasturiy taʼminoti.
3.	QARZ BERISH TARTIBI VA SHARTLARI	
3.1.	Qarz berish	Qarz oluvchi tomonidan muomala layoqati tasdiqlangan, qarz oluvchining shaxsga doir maʼlumotlarga ishlov berishga zarur roziligi mavjud boʻlgan va kreditlash tartib-taomilidan muvaffaqiyatli oʻtgan taqdirda qarz qarz oluvchiga qarz shartnomasida belgilangan tartibda, miqdorda

		va shartlarda, qarz beruvchining Mobil ilova yoki sayt orqali qarz oluvchining arizasi asosida beriladi: https://unamoliya.uz/
3.2.	Qarz berish shartlari	Qarz, qarz oluvchi tomonidan yakka tartibdagi shartlarning 6-bandida belgilangan talablar bajarilgan taqdirda beriladi.
3.3.	Qarz berish tartibi	Qarz, qarz oluvchining bank kartasiga qarz summasidagi naqd pulsiz mablag'larni o'tkazish yo'li bilan beriladi. qarz oluvchi sug'urta tashkiloti bilan sug'urta shartnomasini tuzish orqali qarz oluvchining hayotini ixtiyoriy ravishda sug'urta qilgan taqdirda, qarz oluvchining topshirig'iga asosan qarz beruvchi tomonidan sug'urta tashkilotiga qarz summasi hisobidan sug'urta mukofoti to'lanadi.
3.4.	Qarz beriladigan sana	Qarz oluvchining bank kartasiga pul mablag'lari o'tkazilgan sana qarz berilgan sana hisoblanadi.
4	QARZDAN FOYDALANGANLIK UCHUN FOIZLAR	
4.1.	Foizlarni hisoblash	Qarzdani foydalanganlik uchun foizlar qarz berilgan sanadan boshlab (u 3.4-bandda belgilanganidek), qarz amalda qaytarilgan kunni ham qo'shgan holda, qarz bo'yicha amaldagi qarzdorlikka (har bir kun boshidagi qarzdorlik miqdoridan kelib chiqqan holda) qarzdani foydalanishning amaldagi kalendar kunlari soni uchun yakka tartibdagi shartlarda nazarda tutilgan miqdorda hisoblanadi.
4.2.	Foizlarni hisoblash bazasi	Bir yildagi kalendar kunlarning haqiqiy soni: mos ravishda 365 yoki 366.
4.3.	Foiz turlari	Qat'iy belgilangan foiz stavkasi
4.4.	Foizlarni to'lash tartibi	Qarzdani foydalanganlik uchun hisoblangan foizlarni to'lash qarz oluvchi tomonidan yakka tartibdagi shartlarning 8-bandida ko'rsatilgan muddatlarda amalga oshiriladi.
4.5.	Foiz stavkasini o'zgartirish	Foiz stavkasini o'zgartirish ko'zda tutilmagan.
5.	QARZNI TO'LASH TARTIBI	
5.1.	Umumiy qoidalar	Qarz shartnomasi doirasidagi barcha to'lovlar qarz oluvchining bank kartasidan pul mablag'larini o'tkazish yo'li bilan naqd pulsiz tartibda amalga oshiriladi. Qarz oluvchi qarz shartnomasi bo'yicha majburiyatlarni to'liq va o'z vaqtida bajarish uchun yetarli hajmda va muddatlarda o'z hisobvaraqlarida pul mablag'lari bo'lishini ta'minlashi shart.

5.2.	Qarzni so'ndirish sanasi	Qarz beruvchining hisobvarag'iga pul mablag'lari kelib tushgan sana qarzni qaytarish (qaytarish/qisman qaytarish), qarzdan foydalanganlik uchun foizlar, neustoyka (penya, jarima) va qarz shartnomasi bo'yicha har qanday boshqa to'lovlarni to'lash sanasi hisoblanadi.
5.3.	Qarzni so'ndirish tartibi	Qarz oluvchidan kelib tushgan pul mablag'lari qarzni uzishga quyidagi tartibda yo'naltiriladi: 1. mutanosib ravishda asosiy qarz bo'yicha muddati o'tgan qarzdorlik va muddati o'tgan foiz to'lovlari; 2. joriy davr uchun hisoblangan foizlar va joriy davr uchun asosiy qarz bo'yicha qarzdorlik; 3. neustoyka (jarima, penya); 4. Qarz beruvchining qarzni uzish bilan bog'liq boshqa xarajatlari.
5.4.	Majburiyatlarni bajarmaganlik uchun javobgarlik	Qarz oluvchi qarz shartnomasi bo'yicha majburiyatlarning bajarilmaganligi yoki lozim darajada bajarilmaganligi uchun, xususan, bajarish muddati o'tkazib yuborilgan taqdirda, yakka tartibdagi shartlarda nazarda tutilgan tartibda va miqdorda javobgar bo'ladi. Neustoykalar (jarimalar, penyalar) summalari qarz beruvchi tomonidan qarz oluvchi tomonidan o'tkazilgan pul mablag'lari haqiqatda olingan sanada qarz oluvchi tomonidan tan olingan deb hisoblanadi. Neustoyka muddati o'tkazib yuborilgan har bir kun uchun undirilgan taqdirda, neustoyka qarzni uzish majburiyati bajarilishi lozim bo'lgan sanadan keyingi sanadan e'tiboran va bunday muddati o'tkazib yuborilgan qarz uzil-kesil haqiqatda uzilgan sanaga qadar hisoblanadi. Neustoyka (penya) qarz oluvchi tomonidan tegishli muddati o'tkazib yuborilgan qarz uzil-kesil haqiqatda to'langan sanada to'lanadi. Muddati o'tgan asosiy qarz summasiga qarz beruvchi Yakka tartibdagi shartlarda ko'rsatilgan stavka bo'yicha foizlar hisoblaydi.
6.	TOMONLARNING HUQUQ VA MAJBURIYATLARI	
6.1. Qarz beruvchining majburiyatlari		
6.1.1.	Qarz berish	Qarz beruvchi qarz oluvchiga qarz shartnomasida nazarda tutilgan hollarda va tartibda qarz beradi.

6.1.2.	Axborot xavfsizligi va kiberxavfsizlik sohasidagi majburiyatlar	Qarz oluvchini qarz shartnomasida nazarda tutilgan usullar orqali xabarnoma yuborish yoʻli bilan firibgarlik alomatlari aniqlanganligi haqida xabardor qilish.
6.2. Qarz beruvchining huquqlari		
6.2.1.	Qarz berishni rad etish. Qarzni muddatidan oldin talab qilib olish.	Qarz beruvchi oʻz xohishiga koʻra qarz berishni rad etish toʻgʻrisida qaror qabul qilishga haqli. qarz berishni rad etish qarz beruvchi tomonidan oʻz xohishiga koʻra va sabablarini tushuntirmasdan amalga oshiriladi. Shuningdek, qarz beruvchi qarz oluvchini oldindan xabardor qilgan holda, yakka tartibdagi shartlarda nazarda tutilgan tartibda ilgari berilgan qarzni muddatidan oldin qaytarishni, ilgari berilgan qarzdan foydalanganlik uchun foizlarni va qarz shartnomasi boʻyicha qarz beruvchiga tegishli boʻlgan boshqa toʻlovlarni muddatidan oldin toʻlashni talab qilishga haqli: • Qarz summasi qarz shartnomasida belgilangan muddatlarda qarz oluvchi tomonidan qaytarilmasligidan yaqqol dalolat beruvchi holatlar yuzaga kelganda/mavjud boʻlganda. • Yakka tartibdagi shartlarda nazarda tutilgan boshqa hollarda. Qarz berishni rad etish toʻgʻrisida qarz beruvchi qarz oluvchini bunday qaror qabul qilingan sanadan boshlab 3 (uch) ish kuni ichida xabardor qiladi. Qarz beruvchi qarz shartnomasi boʻyicha oʻz talab qilish huquqlarini qarz oluvchini oldindan xabardor qilmasdan uchinchi shaxslarga berishga haqli.
6.2.2.	Qarz beruvchining qarz shartnomasi boʻyicha oʻz huquqlarini amalga oshirmasligi qarz beruvchining keyinchalik bunday huquqlarni amalga oshirishni rad etishi yoki bunday huquqlarni bekor qilish uchun asos boʻlmaydi.	
6.3. Qarz oluvchining majburiyatlari		
6.3.1.	Qarzni qaytarish va foizlarni toʻlash	Qarz oluvchi olingan qarzni qarz beruvchiga qaytarishi, qarzdan foydalanganlik uchun hisoblangan foizlarni va boshqa toʻlovlarni qarz shartnomasida belgilangan miqdorda, tartibda va muddatlarda, qarz beruvchi qarzni muddatidan oldin talab qilib olganda esa, qarz shartnomasida yoki Oʻzbekiston Respublikasining amaldagi qonunchiligida belgilangan hollarda, qarz oluvchi bunday muddatidan oldin talab qilib olish toʻgʻrisida xabarnoma olgan kundan keyingi 3 (uch) kalendar kundan kechiktirmay toʻlashi shart.

6.3.2.	Tekshirishni amalga oshirish uchun hujjatlarni taqdim etish	Qarz oluvchi qarz beruvchiga qarz shartnomasida va Mikroqarz berishning umumiy qoidalari to'g'risidagi nizomda belgilangan hajmda, tartibda va muddatlarda axborot va hujjatlarni taqdim etishi, shuningdek qarz beruvchining qarz oluvchini lozim darajada tekshirishini o'tkazish uchun zarur bo'lgan boshqa hujjatlar va axborotni taqdim etishi hamda boshqa harakatlarni bajarishi shart.
6.3.3.	Qarz oluvchining qarzni undirish bo'yicha xarajatlarini qoplash	Qarz oluvchi qarz beruvchining tegishli yozma talabnomasini olgan sanadan boshlab 5 (besh) ish kuni mobaynida qarz oluvchidan qarz shartnomasi bo'yicha qarzdorlikni majburiy tartibda undirish bilan bog'liq hujjatlar bilan tasdiqlangan barcha xarajatlarini qoplashi shart.
6.3.4.	Axborot xavfsizligi va kiberxavfsizlik sohasidagi majburiyatlar	Qarz oluvchi mustaqil ravishda, muntazam va e'tibor bilan Qarz beruvchi tomonidan mavjud aloqa kanallari orqali yuboriladigan barcha ma'lumotlar bilan tanishib borish majburiyatini oladi, shu jumladan, biroq ular bilan cheklanmagan holda: mobil ilovadagi bildirishnomalar (mavjud bo'lsa), SMS-xabarlar, PUSH-xabarlar, Qarz beruvchining Mobil ilovadagi yoki veb-saytagi shaxsiy kabinetdagi elektron xabarlar hamda boshqa elektron o'zaro aloqa usullari. Qarz oluvchi o'zi ko'rsatgan aloqa ma'lumotlari bo'yicha yuborilgan xabarlar ular yuborilgan (joylashtirilgan) paytdan boshlab, ular bilan amalda tanishgan-tanishmaganidan qat'i nazar, Qarz oluvchi tomonidan olingan deb hisoblanishini tasdiqlaydi. Bunday xabarlar bilan o'z vaqtida tanishmaslik bilan bog'liq salbiy oqibatlar xavfi Qarz oluvchi zimmasiga yuklanadi. Qarz oluvchi mazkur Umumiy shartlarning 6.1.2-bandida nazarda tutilgan Qarz beruvchidan olingan xabarlardan so'ng har qanday to'lov operatsiyalarini tasdiqlashda ehtiyotkorlik va lozim darajadagi e'tiborlilikni namoyon etish majburiyatini oladi. Qarz oluvchi mazkur holat aniqlangan paytdan e'tiboran zudlik bilan, biroq 1 (bir) kalendar kundan kechiktirmay, Qarz beruvchini qurilma yo'qotilganligi yoki uchinchi shaxslar tomonidan qurilmani boshqarishga nazorat o'rnatilganligini fakti, shuningdek Qarz oluvchining roziligisiz operatsiya amalga oshirilganligi aniqlanganligi haqida xabardor qilish majburiyatini oladi. Qarz oluvchi Qarz beruvchi bilan aloqa qilish uchun o'zining aloqa ma'lumotlarini (telefon raqami, elektron pochta manzili) taqdim etish majburiyatini

		oladi hamda aloqa ma'lumotlari o'zgargan taqdirda, bunday o'zgarishlar sodir bo'lgan kundan boshlab 3 (uch) kun ichida bu haqda Qarz beruvchini xabardor qilishi shart. Aloqa ma'lumotlarining o'zgarganligi haqida Qarz beruvchini xabardor qilmaslik natijasida yuzaga kelgan salbiy oqibatlar xavfi va ularning oqibatlari Qarz oluvchining zimmasiga yuklanadi. Qarz oluvchi Qarz beruvchining so'roviga ko'ra zudlik bilan amalga oshirilgan operatsiyalar yuzasidan ishonchli ma'lumotlar va tushuntirishlarni taqdim etish, shu jumladan tegishli operatsiya shaxsan o'zi tomonidan yoxud uning topshirig'i yoki ixtiyoriy roziligi bilan uchinchi shaxs tomonidan amalga oshirilganligini tasdiqlash majburiyatini oladi. Qarz oluvchi, shuningdek, o'zi tomonidan aniqlangan har qanday firibgarlik holatlari, ruxsatsiz kirish, uning shaxsiy ma'lumotlari, to'lov vositalari yoki boshqa rekvizitlaridan noqonuniy foydalanishga urinishlar, shuningdek uning rozilgisiz operatsiyalar amalga oshirilganligi haqida Qarz beruvchini zudlik bilan xabardor qilish majburiyatini oladi.
6.4. Qarz oluvchining huquqlari		
6.4.1.	Qarzni muddatidan oldin to'lash	Qarz oluvchi qarzni qaytarish muddati tugagunga qadar qarzni muddatidan oldin (to'liq yoki qisman) to'lashga haqli.
6.4.2.	Qarzdin qisman voz kechish	Qarz oluvchi aloqa shakli vositalari orqali xabardor qilish va/yoki qarz beruvchining Mobil ilovada yoki veb-saytda ko'rsatilgan aloqa ma'lumotlaridan foydalangan holda o'z hisobvarag'iga pul mablag'larini olgunga qadar mikroqarzning foydalanilmagan summasidan voz kechishga haqli.
7.	BOSHQA SHARTLAR	
7.1.	Qarz shartnomasining kuchga kirishi	Qarz shartnomasi ushbu Umumiy shartlarning 1.2-bandida nazarda tutilgan tartibda imzolangan sanadan boshlab kuchga kiradi.
7.2.	Shartnoma shartlarini o'zgartirish	Qarz shartnomasi shartlarini o'zgartirish Tomonlarning kelishuviga ko'ra (shu jumladan, hujjatni elektron shaklda imzolash bilan cheklanmagan holda) amalga oshiriladi, Umumiy yoki Yakka tartibdagi shartlarda, shuningdek O'zbekiston Respublikasining amaldagi

		qonunchiligida to'g'ridan to'g'ri nazarda tutilgan hollar bundan mustasno. Tomonlarning kelishuviga ko'ra Qarz shartnomasi shartlari o'zgargan taqdirda, bunday kelishuvga Tomonlar quyidagi tartibda erishadilar: - Qarz beruvchi Qarz oluvchiga Qarz beruvchining Mobil ilovasida yoki saytida o'zgartirishlar to'g'risidagi ma'lumotlarni joylashtirish orqali shartnoma shartlarini o'zgartirish to'g'risida taklif yuboradi. - Qarz oluvchining Shartnoma shartlarini o'zgartirishga roziligi (oferta aksepti) sukut saqlash bilan ifodalanadi va Qarz beruvchi tomonidan olingan deb hisoblanadi, agar Qarz oluvchi oferta olingan kundan boshlab 10 (o'n) kalendar kun ichida (aksept muddati) ushbu bandda belgilangan tartibda Qarz beruvchini akseptdan voz kechish to'g'risida yozma ravishda xabardor qilmasa, agar uzoqroq muddat Qarz beruvchining xabarnomasida ko'rsatilmagan bo'lsa; - Qarz oluvchining Shartnoma shartlarini o'zgartirishga rozi emasligi (akseptni rad etishi) faqat Qarz oluvchi tomonidan Qarz beruvchining Mobil ilovadagi shaxsiy kabinetiga yuborilgan yozma arizani rasmiylashtirish orqali bildirilishi mumkin. Shartnoma shartlaridagi o'zgarishlar aksept muddati tugagandan so'ng va Qarz oluvchi ofertani akseptlashdan bosh tortmagan taqdirda kuchga kiradi. Qarz beruvchi qarz shartnomasi shartlariga bir tomonlama tartibda o'zgartirishlar kiritish huquqiga ega, agar bunday o'zgartirishlar qarz oluvchiga qo'shimcha yuk (majburiyat) yuklamasa. Qarz oluvchi mazkur o'zgartirishlar haqida qarz beruvchining Mobil ilovada yoki saytida va/yoki qarz oluvchining shaxsiy kabinetida qarz shartnomasining yangi tahririni e'lon qilish orqali yoxud qarz shartnomasida nazarda tutilgan boshqa aloqa usullari orqali xabardor qilinadi. Qarz shartnomasiga o'zgartirishlar kiritilgan taqdirda, bunday o'zgartirishlar qarz shartnomasining yangi tahriri qarz beruvchining Mobil ilovada yoki saytida va/yoki qarz oluvchining shaxsiy kabinetida joylashtirilgan kundan boshlab Tomonlar uchun majburiy hisoblanadi.
7.3	Bildirishnomalar	Qarz shartnomasi bo'yicha xabarnomalar va xabarlar tomonlar tomonidan yozma shaklda yuboriladi va agar ular tomonlar tomonidan yakka tartibdagi shartlarning 17 va 18-bandlarida

		ko'rsatilgan manzillarga bevosita ularni oluvchiga topshirish paytida yuborilgan bo'lsa, tegishli tarzda yetkazib berilgan deb hisoblanadi. Xabarlar almashinuvi tomonlar tomonidan quyidagilardan foydalanish orqali amalga oshiriladi: • Kuryerlik aloqasi; • Pochta aloqasi; • Elektron pochta; • Qarz oluvchi tomonidan qarz beruvchining Mobil ilovada yoki veb-saytida arizani rasmiylashtirishda ko'rsatilgan mobil telefon raqamlariga SMS-xabarlar; • Qarz beruvchining Mobil ilovada yoki veb-saytidagi shaxsiy kabinetdagi elektron xabarlar. Tomonlar O'zbekiston Respublikasining 29.09.2022-yildagi "Elektron tijorat to'g'risida"gi O'RQ-792-son Qonuniga muvofiq elektron shaklda tuzilgan va malakali elektron imzo bilan imzolangan hujjatlarni (bundan buyon matnda Elektron hujjat deb yuritiladi) almashishga haqli. Elektron hujjat shaklida taqdim etilishi talab qilinadigan yoki qarz shartnomasi shartlaridan kelib chiqadigan har qanday xabarlar va hujjatlar yuborilishi mumkin, O'zbekiston Respublikasining amaldagi qonunchiligi talablariga muvofiq elektron hujjat shaklida tuzilishi mumkin bo'lmagan xabarlar va hujjatlar bundan mustasno. Yakka tartibdagi shartlarning 18-bandida ko'rsatilgan manzilda yo'qligi sababli xabarnomani qabul qilib olinganligi ma'lum qilinadigan buyurtma xat bilan adresatga topshirish imkoni bo'lmagan taqdirda, xabarnoma tegishli tarzda topshirilgan hisoblanadi.
7.4	Kredit tarixi	Qarz oluvchi Qarz beruvchi tomonidan O'zbekiston Respublikasining 2011-yil 4-oktyabrdagi O'RQ-301-son "Kredit axboroti almashinuvi to'g'risida"gi qonunining 4-moddasida nazarda tutilgan qarz oluvchi to'g'risidagi kredit axborotini kredit byurolarining davlat ryestriga kiritilgan kredit byurolariga yuborilishi haqida xabardor qilingan va bunga o'z roziligini beradi hamda bunday axborot yuborilishiga e'tiroz bildirmaydi.
8.	MAXFIYLIK	

8.1	Maxfiylik shartlari	Har bir tomon qarz shartnomasi tuzilganligi faktini va uning mazmunini, qarz shartnomasini bajarishga taalluqli har qanday axborotni va boshqa tomondan olingan maxfiy axborotni (u 8.2-kichik badda belgilanganidek) oshkor qilmaslik majburiyatini oladi, 8.3-kichik badda belgilangan istisnolar bundan mustasno, shuningdek maxfiy axborotdan faqat Shartnomani bajarish maqsadida foydalanish va uni himoya qilish uchun tegishli choralar ko'rish majburiyatini oladi.
8.2	Maxfiy axborot	Maxfiy axborot tarkibiga moddiy va elektron tashuvchilardagi har qanday hujjat va ma'lumotlar, shu jumladan yuboruvchi tomonidan "Maxfiy" belgisi tushirilgan, egasining to'liq ism-sharifi va joylashgan manzili ko'rsatilgan axborot
8.3	Istisnolar	Tomonlar o'z vakillik banklariga, professional maslahatchilarga va auditorlarga, agar ushbu shaxslarga ma'lumotlarning maxfiyligi to'g'risida yozma ravishda xabardor qilgan bo'lsa, oshkor qilish huquqiga ega. Qarz beruvchi kredit shartnomasi bo'yicha har qanday huquq va/yoki majburiyatlarni, shu jumladan huquqlarni (da'volarni) boshqa shaxsga o'tkazish yo'li bilan, agar ular maxfiy ma'lumotlarga nisbatan maxfiylikni saqlash majburiyatini o'z zimmlariga olgan bo'lsalar, qarz beruvchi o'zlariga topshiradigan yoki o'tkazish niyatida bo'lgan har qanday shaxslarga oshkor qilish huquqiga ega.
8.4	Maxfiylik muddati	Ushbu bo'lim shartlari tomonlar uchun qarz shartnomasining amal qilish muddati davomida va u bekor qilinganidan keyin 3 (uch) yil davomida majburiy bo'lib, ularning buzilishi O'zbekiston Respublikasining amaldagi qonunchiligiga muvofiq buzgan tomon uchun javobgarlikka sabab bo'ladi.